





附錄卷之五

司馬文正公集卷之五

薛應旂曰公集甲子會紀載於卷八
以天道遠人道邇欲若親天者欲諸人而
夫子混沌雖知之訓也編成存於卷八
既以元經會以會經運以運經世則先天後
天之數歷不測矣先天人事後天數知而
其元會運世獨不可以測流而窮源非曰是
不難窮也難言也易乾鑿度來往九合而
此平數大端是也

甲子會紀卷之五

明武進薛應旂編輯

薛應旂曰余編甲子會紀始於黃帝八年蓋以天道遠人道邇欲善觀天者驗諸人而遵夫子混沌難知之訓也編成客有覽者曰子旣以元經會以會經運以運經世則先天後天之數靡不洞悉矣先天人事雖或難知而其元會運世獨不可以遡流而窮源乎曰是不難窮也難言也易乾鑿度春秋元命苞所紀年數大都荒誕唯以楊子雲李淳風僧一

行諸說而折衷于康節邵先生皇極之數取
諸十干以定元運取諸十二支以定會世乃
知天地一元之數要之十二會三百六十運
四千三百二十世自子會開天至黃帝八年
甲子歷六萬四千三百二十年至唐堯甲辰
元載又歷三百四十年總之已歷六萬四千
六百六十年矣自茲以至已會之終僅一百
六十年耳合一元之數而終之於亥會是所
謂堯值其中數也自此而逆推之則黃帝以

前之甲子固夫人可以類數者但其間所謂
三皇五帝九皇六十四氏之人事則典籍傳
疑未可盡信此夫子所謂混沌難知也若元
會運世則固無不可知也余故畧述邵子以
元經會之說于左俾觀化者知所究竟則以
會經運以運經世自元之元以至於世之世
舉可自此而得其始終矣又豈直可以知黃
帝八年甲子以前之數而已哉若盤古諸紀
并歷代國都則附錄以備詳覽云

以元經會一

經者對緯之名以元爲經則終始此元而已
矣以會爲緯則有十二變焉凡此十有二變
在一元則爲十有二會在一運則爲十有二
世在一歲則爲十有二月在一日則爲十有
二時在一分則爲十有二秒十有二變之數
無往而不在焉則變者其緯也不變者其經
也於緯之中有以執其經於變之中有以守
其常其度矣乎

日甲

月子

星甲

辰子

星癸

辰亥

此一會但有天耳未有地也地且未有而况

人乎然是理是數已具於無形之中矣逆而

推之可以知其必有三十運一萬八百年而

當第一會之數也

以元經會二

日甲

月丑

星甲

辰子

星癸

辰亥

此一會但有地耳未有人也人且未有而况
物乎然是理是數已具於無形之中矣逆而
推之可以知其必有三十運一萬八百年而
當第二會之數也

以元經會三

日甲一

月寅三

星甲

六十

辰子

七百二十一

星癸

九十

辰亥

一千八十

當此一會之半既已有人亦復有物人物既
具則必有主之者矣斯時也豈非三皇之時

乎然易有其象未有其辭辭既不傳事亦難
考是故逆而推之其運可知也其年可知也
而其御極之號名則不必可知也

以元經會四

日甲一

月卯四

星甲

九千

辰子

一千八

星癸

一百

辰亥

一千四

以元經會五

日甲一

月辰五

星甲

一百二

辰子

一千

星癸

一百五

辰亥

一千

四十

以元經會六

日甲一

月巳六

星甲

十一百五

辰子

八千

一

星癸

十一百八

辰亥

二千

十六

黃帝八年甲子歷少昊顓頊高辛以至唐堯
甲辰凡三百四十年當此一會之末正十二
會之中數陽長已極之候也

以元經會七

日甲一

月午七

星甲

十一百八

辰子

二千

六十

星癸

二百一十

辰亥

二百五十

十二

此一會雖正當午乃陰息之初夏禹御極雖

曰盛王然已不逮皇之與帝矣故邵子曰皇

以道帝以德王以功升降之幾蓋自有在也

以元經會八

日甲

月未

星甲

二百一十一

辰子

二百五十

二十

星癸

二百四十

辰亥

二百八十

十八

以元經會九

日甲一

月申九

星甲

三百四十一

辰子

八百二十

八十

星癸

二百七十一

辰亥

三百二十

四十

以元經會十

日甲一

月酉十

星甲

二百七十一

辰子

三百二十

四十

星癸

三百

辰亥

三千六百

以元經會十一

日甲一

月戌十一

星甲

三百一

辰子

三千六百

一
星癸三百三十
辰亥三千九百

十六

當此一會之半從有入無謂之閉物則其視
於開物相去遠矣然則如是而已乎祝氏蓋
曰窮則變變則通一元之後安知不復有一
元以繼之

以元經會十二

日甲一
月亥十二
星甲三百三十一
辰子三千九百

六十
星癸三百六十
辰亥四千三百

邵子曰夫古今者在天地之間猶旦暮也以今觀今則謂之今矣以後觀今則今亦謂之古矣以今觀古則謂之古矣以古自觀則古亦謂之今矣是知古亦未必爲古今亦未必爲今皆自我而觀之也安知千古之前萬古之後其人不自我而觀之也仲尼曰殷因於夏禮所損益可知也周因於殷禮所損益可知也其或繼周者雖百世可知也夫如是何止於百世而已哉億

千萬世皆可得而知之也故其語堯則曰垂衣
裳而天下治語湯武則曰順乎天而應乎人斯
可以該古今受命之理也堯禪舜以德舜禪禹
以功以德帝也以功亦帝也然而德下一等則
入于功矣湯伐桀以放武王伐紂以殺以放王
也以殺亦王也然而放下一等則入于殺矣是
知時有消長事有因革前聖後聖非出一塗哉
故曰善人爲邦百年亦可以勝殘去殺矣誠哉
是言也三皇之法無殺五伯之法無生伯一變

至于王矣王一變至于帝矣帝一變至于皇矣
其于生也非百年而何是知三皇之世如春五
帝之世如夏三王之世如秋五伯之世如冬如
春溫如也如夏燠如也如秋淒如也如冬冽如
也天有常時聖有常經行之正則正矣行之邪
則邪矣邪正之間有道存焉行之正則謂之正
道行之邪則謂之邪道邪正由人乎由天乎或
曰君子道長則小人道消君子道消則小人道
長長者是則消者非矣消者是則長者非矣何

以知正道邪道之然乎吁賊夫人之論也不曰
君行君事臣行臣事父行父事子行子事夫行
夫事妻行妻事君子行君子事小人行小人事
中國行中國事夷狄行夷狄事謂之正道君行
臣事臣行君事父行子事子行父事夫行妻事
妻行夫事君子行小人事小人行君子事中國
行夷狄事夷狄行中國事謂之邪道噫二道對
行何故治世少而亂世多邪君子少而小人多
邪曰豈不知陽一而陰二乎天地尚猶是道而

生況其人與物乎人者物之至靈者也物之靈
未若人之靈物尚由是道而生又況人靈于物
者乎是知人亦物也以其至靈故特謂之人也
日經天之元月經天之會星經天之運辰經天
之世以日經日則元之元可知之矣以日經月
則元之會可知之矣以日經星則元之運可知
之矣以日經辰則元之世可知之矣以月經日
則會之元可知之矣以月經月則會之會可知
之矣以月經星則會之運可知之矣以月經辰

則會之世可知之矣以星經日則運之元可知
之矣以星經月則運之會可知之矣以星經星
則運之運可知之矣以星經辰則運之世可知
之矣以辰經日則世之元可知之矣以辰經月
則世之會可知之矣以辰經星則世之運可知
之矣以辰經辰則世之世可知之矣元之元一
元之會十二元之運三百六十元之世四千三
百二十會之元十二會之會一百四十四會之
運四千三百二十會之世五萬一千八百四十

運之元三百六十運之會四千三百二十運之
運十二萬九千六百運之世一百五十五萬五
千二百世之元四千三百二十世之會五萬一
千八百四十世之運一百五十萬五千二百世
之世一千八百六十六萬二千四百元之元以
春行春之時也元之會以春行夏之時也元之
運以春行秋之時也元之世以春行冬之時也
會之元以夏行春之時也會之會以夏行夏之
時也會之運以夏行秋之時也會之世以夏行

冬之時也運之元以秋行春之時也運之會以
秋行夏之時也運之運以秋行秋之時也運之
世以秋行冬之時也世之元以冬行春之時也
世之會以冬行夏之時也世之運以冬行秋之
時也世之世以冬行冬之時也皇之皇以道行
道之事也皇之帝以道行德之事也皇之王以
道行功之事也皇之伯以道行力之事也帝之
皇以德行道之事也帝之帝以德行德之事也
帝之王以德行功之事也帝之伯以德行力之

侯失化之必洽教之必浹民之情始可以一變
矣苟有命世之人繼世而興焉則雖民如夷狄
三變而帝道可舉矣惜乎時無百年之世世無
百年之人比其有代則賢之與不肖何止于相
半也時之難不其然乎人之難不其然乎

黃帝至三代論

夫易有太極陰陽盡之矣一陰陽斯有天地有
天地斯有人有物有事惟一而陰二是故陽
少而陰多以言乎天則晴少而晦冥多以言

乎地則平夷少而險隘多以言乎人則君子少而小人多推之事物物蓋莫不然此所以治日常少而亂日常多也孟子曰天下之生久矣一治一亂謂非有感於此哉昔在有熊高陽高辛唐虞孰不謂洵穆淳龐之世而純陽之會也桀蚩尤作亂子摯荒淫四凶未去三苗不庭而朱明瞽頑象傲均劣又且紛然雜出矣迨至三代享國最號長久然夏有天下四百三十二年然禹在位十年啓纔九年自是太康遭有窮之

拒仲康值羲和之叛相罹寒浞之篡少康中興
雖云不失舊物杼槐繼之不復振作而綿延以
至桀亡中間求若禹啓之時蓋無幾也殷有天
下六百二十九年湯在位十三年太甲三十三
年初亦不免顛覆典刑桐宮悔過一再傳而至
雍已商道寢衰諸侯不至旣自仲丁以至陽甲
外叛內亂比及九世雖太戊祖乙盤庚武丁後
先間出紹復先王而武乙帝乙相繼無道迄于
紂亡中間求若創業中興之盛時蓋亦無幾也

周有天下八百六十七年武王末受命在位七
年成王三十七年康王二十六年是七十年間
可謂盛矣然成王始政三監倡亂四國流言殺
武辟管囚蔡降霍其擾擾靡寧蓋已居半及昭
王南征不復穆王盤游無度歷懿孝以至夷王
下堂受覲厲王出流于彘宣王繼立甫稱中興
而黃鳥圻父之詩旋亦並作無何幽王被弑平
王東遷天子威令下侔諸侯秦楚吳越爭衡上
國尚賴齊桓晉文迭盟中夏而周之統緒僅存

孔子曰微管仲吾其被髮左衽蓋謂此也至威
烈王時晉大夫魏斯趙籍韓虔分晉遂命爲諸
侯而周室徒寄空名于天下降至赧王徙於西
周二周分治天下大亂裂爲十二離爲七國而
周之土地人民曾不足以比強國之大夫於是
秦昭襄奔西周而赧王入秦盡獻其地其後七
年秦莊襄遂滅東周并其空名而亡之矣雖云
歷年八百而全盛之時又幾何哉嗚呼黃虞三
代至治之世也黃帝堯舜禹湯文武至聖之君

也其時有消長世有升降若是焉者何也黃虞
已末陽極而亢三代午初陰漸以升亦氣候之
不能自己者也唯黃帝堯舜禹湯文武數聖人
者內陽而外陰內君子而外小人所以能成其
治而嗣之者稍有不然遂不能不底於亂也故
邵子曰天與人相爲表裏天有陰陽人有邪正
邪正之由繫乎上之所好也由此觀之天人之
際豈其微哉

三皇紀

盤古氏

龍首人身神靈一日九變蓋元混之初陶融造化之主也生天生地生人皆由

于此首出御世故曰盤古氏又曰渾敦氏荆湖南北以十月十六日為盤古生日厥後天開於

子則有天皇氏地闢於丑則有天皇氏天皇氏獲字子

潤驤首鱗身生於柱州無外山繼盤古氏以治是曰天靈澹泊無為寔司元化亭毒萬有風行

焱逝靈書八會自然洞神始制于地皇氏姓岳支之名以定歲一姓十三人

字子元龍額馬蹏生於雄耳龍門之岳繼天皇氏以治爰定三辰是分晝夜以三十日為一月

一姓十人

人皇氏

姓愷名胡洮字文生人面龍身九頭生於秦州刑馬山提地之

國繼地皇氏以治相厥山川分為九區兄弟別長九州已居中州以制八輔故又曰居方氏政

教君臣所自起飲食男女所自始亦號九皇氏一姓九人

盤古氏作而有天皇地皇是為二

靈二靈後乃有十紀 其一曰九頭是爲一姓
紀即人皇氏是也 其二曰五龍是爲五姓紀
皇伯皇仲皇叔皇季皇少五姓同時俱駕龍乘
雲車而治天下也 其三曰攝提是爲五十九
姓紀也 其四曰合雒是謂三姓紀教人穴居
乘蜚鹿以治天下也 其五曰連通是謂六姓
紀乘蜚麟以理天下也 其六曰叙命是謂四
姓紀駕六龍而治天下也 其七曰循蜚是謂
二十一姓紀德厚信仁天下之人循其化以若
飛也 其八曰因提即十有三姓紀如辰放氏
之衣皮有巢氏之編董遂人氏之出穴皆因其
變而舉之也 其九曰禪通是謂十有八姓紀
史皇氏之通封禪者十有八姓也 其十曰疏
仡自黃帝氏而紀疏以知遠仡以審斷仁義道
德之所
用也

循蜚紀

鉅靈氏

生於汾隄握大象持化權揮五丁之士

未融者鉅靈之徒以神通智力出而贊化也

句彊氏

譙明氏

涿

光氏

伯益之書有譙明之山涿光之山俱載於北經譙明涿光信其為繼治者乃知邃古

之事非必無傳也

鉤陣氏

黃神氏

無易天生無散太璞自若則清動之

則濁太素之氣初變為黃號曰黃神

狇神氏

人皇氏沒狇神次之出於長淮駕六蜚羊

犁靈氏

東荒經有犁靈之尸不壞

大驪氏

見於南密河南密縣有大驪山其居

即具鬼驪氏

弇茲氏

泰逢氏

今黃山之陽出入有光泰

逢氏之神也

冉相氏

得其環中與物俱化無始無終無幾無時冉相氏之道中之至

也蓋盈氏

若水之間禹中之地有蓋盈之丘蓋盈氏之墟也

大敦氏

雲陽氏

是爲陽帝處於長沙所謂萬里沙也今萊之掖縣有萬里沙祠

巫常氏

泰壹氏

是爲皇人開圖挺紀執大同之制調大鴻之氣正神明之位者也有兵法雜子

陰陽雲氣太乙諸書傳于世

空桑氏

陳留縣南一十五里有空桑城即空桑氏所都

也神民氏

能使民神異業精氣通行都於神民之丘

倚帝氏

都倚帝山在南

陽次民氏

次民之世宛處終矣

因提紀

辰放氏

古初之人卉服蔽體辰放氏作教民擇木茹皮以禦風霜絢髮閨首以去靈雨

而人從之命之曰

蜀山氏

蜀之爲國肇自人皇其始蠶叢拍護魚鳧

三君各數百威號蜀山氏蠶叢居瞿上魚鳧治導江逮蒲澤仁明時人民推結左言不知文字

事莫克傳最多乃得望帝杜宇云

廼傀氏

傳六世

渾沌氏

傳七世

東

戶氏

東戶氏之熙載也紹荒屯遺美好垂精拱默而九寰以承流當是之時禽獸成羣竹

木遂長道上顏行而不拾遺耕者餘餼宿之隴首其歌樂而無謚其哭哀而不聲皆至德之世也

皇覃氏

一曰離光氏其於世也在而不治官天地府萬物死生同兆而不相陵也

傳七 啓統氏

傳三世

吉夷氏

傳四世

几遽氏

几遽氏之在天

下也不治而不亂狗耳目內通而外乎心知天下之人唯知父不知母鵲居鵲飲而不求不譽晝則旅行夜則類處及其死也橐籥風化而巳今之曰知生之民天下蓋不足治也

狶韋氏

氏

神鬼神帝生天生地可傳而不可受可得而不可見狶韋氏得之以挈天下此所謂神帝也

也得道以馭羣品

庸成氏

庸成者垣墉城郭也羣玉之山平阿無隘

提挈兩儀者也

四徹中繩庸成氏之所守先王之冊府也其民
童蒙莫知西東摩蜃蓐食而莫知其止息託嬰
巢中棲粮隴首虎豹可尾虺
虵可踰而人無有相媚之心

禪通紀

史皇氏

倉帝史皇氏姓侯岡名頡龍顏四目有
睿德生而能書及長登陽虛之山臨于

玄扈洛汭之水靈龜負書丹甲青文倉帝受之
遂窮天地之變仰觀奎星圓曲之勢俯察龜文
鳥羽山川掌指而炳文字文字成天爲雨粟鬼
爲夜哭自是而文辭日昌矣按古五行書倉頡
丙寅死辛未葬論衡云學書者諱丙日謂倉頡
以丙日死故也或疑其時未有甲乙至黃帝時
始命大撓作甲子然天皇氏已制于支而伏百
義已有甲歷豈上古之事有難以執一論歟
皇氏姓栢名之是爲皇栢出搏日之陽駕六龍
而上下以本紀德爲而不有應而不求立

於正陽之南是為皇
中皇氏
封禪之帝也即中黃子其言曰天有

五方地有五行聲有五音物有五味色有五章
人有五常故天地之間有二十五人焉聖人之

所以駭天下真人未嘗過焉賢人所以綏聖世
聖人未嘗觀焉蓋道之不相謀者也中黃之書

白帝藏之瑤臺非有秘
大庭氏
大庭氏之膺籙也適有嘉瑞三

籙者不得一曰中央氏
栗陸氏
是為栗陸古

辰曾輝五鳳異色都于曲
阜故魯有大庭氏之庫
栗陸氏
是為栗陸古

睦敖昏勤民懷諫自用於是乎民始攜東里子
者賢臣也諫不行而驛之栗陸氏殺之天下叛

之栗陸
昆連氏
昆連氏一曰蠶連氏一曰蠶蓄
焱氏
莊

氏以亡
泰氏
蒲衣云有虞
成

有焱氏之頌孔子窮於陳
泰氏
蒲衣云有虞
成

蔡晨起而歌焱氏之風
雄氏
龐子問曰太上聖成雄氏之道一揆用之

雄氏
萬八千歲有天下兵強而世不奪與天地

存又鶚冠子曰成雄
得一故物而制焉

素皇氏

內崑氏

近者視其善遠

者慕其德是以其教不厭其用不蔽故能疇闔
四海以爲一家夷貉萬國以時朝服此素皇氏

內崑氏

軒轅氏

軒轅氏作于空桑之北紹物開智見轉風之蓬不已者於是作

制乘車橫木爲軒直木爲轅以尊太上故號曰
軒轅氏權畸羨審通塞於是擅四方伐山取銅
以爲刀貨以衡域之輕重而天下治矣此軒轅
氏古封禪之帝也在黃帝氏之前世惟見史遷
紀黃帝名軒轅更弗復
攷乃以爲即黃帝誤矣
赫胥氏
一曰赫蘇氏赫胥氏之治也尊
民而重事方是之時人居不知所爲行不知所
之鼓腹而游含哺而嬉晝而動夕而息渴則求
飲饑則求食莫知作善而作惡也出三入一惴
恍如遺光曜赫奕而隆名有不居即以胥而自
況九洛泰定爰脫灑於潛山故儒傳拾遺曰祝
融棲神於衡阜虞帝登僊於蒼梧赫胥曜迹於

潜山黃帝飛輪於
葛天氏
葛蓋也古字通用葛天者權天也爰儼旋

穹作權象故以葛天爲號其爲治也不言而自信不

化而自行蕩蕩乎無能名之其爲樂也八士提

拊投足摻尾叩角亂之而歌八終一曰載民二

曰玄鳥三曰遂物四曰奮穀五曰敬天常六曰

達帝功七曰依地德八曰臨萬物之極塊拊瓦

缶武臬從之是調廣樂於是封泰山興貨幣以

制數會故沉滯
尊盧氏
是爲宗盧其立政也官

通而天下泰矣
祝融氏
是爲宗融其立政也官

故惟以幣行無所甚親無所甚疎抱德含和以

順天下而世用寧焉治九十餘載位強臺之陽

墓浮肺
祝融氏
一曰祝誦氏又曰祝融無所造

山之陰
施而民勸化聽鳴鳥以爲樂歌作樂名祝續以

通倫類諧神明天下大治以火施化號赤帝都

于鄩故鄭爲祝融之虛其治百年

葬衡山之陽是以調祝融峯也

昊英氏
或曰子英

吳英之世以伐木與殺獸人民少而木獸衆當
帝之世不麝不卯官無供備之勞而死不得用
享蓋衣薪有巢氏昔在上世人固多難有聖人
之世也者教之巢居冬則爲營夏則
居櫓巢未有火化搏獸而食鑿井而飲擗菰稭
以爲蓐以辟其難而人說之使王天下號曰有
巢氏朱襄氏有巢氏沒數閱世而朱襄氏立於是
而果蓏草木不遂遲春而黃落盛夏而疢瘥乃
令士達作五絃之瑟以來陰氣以定羣生令曰
來陰都于株故陰康氏陰康氏之時水隕不疏
號曰朱襄氏江不行其原陰凝而易
闕人旣鬱於內腠理滯著而多重腿得所以利
其關節者乃始制爲之舞教人引舞以利導之
是謂大舞治于華原無懷氏其撫世也以道存
葬于浮肺山之陰生以德安刑過而
不悔當而不掄當世之人甘其食樂其俗安其
居而重其生意恙不見於色堅白不形於心而

漸毒不萌于動形有動作心無好惡雞犬之音
相聞而民至老死不相往來世用太平鳳皇降
龜龍至風雨節寒暑時於是陞中泰山以宗天
禪云云以復地勒石昭示而天下益趨於文矣
有巢氏先有巢氏教民巢居然而木處顛風生
燥顛傷燥天於是又有聖人焉教之編
槿而廬緝藿而扉填塗茨翳以違其高卑之患
而芘其風雨以其革有巢之化故亦號有巢氏
龜龍効圖書昇於**燧人氏**有巢氏教民廬居然
是文成而天下治**燧人氏**猶未知火食也燧人
氏作於是鑽木取火教民以烹飪而民利之時
民未知文字燧人氏作結繩之政立傳教之臺
爲日中之市興交易之道人情以遂故又謂太
之遂皇有四佐曰明由必育成博隕丘是已**太**
昊伏羲氏風姓太昊之母居于華胥之渚履巨
人跡意歆歆然如有所動虹且繞之
因而始娠生太昊于成紀以木德繼天而王都
于陳教民佃漁畜牧畫八卦造書契作甲歷制

嫁娶以龍紀官造琴瑟在位百十五年崩女媧氏者太昊氏之女弟也一曰女

皇氏太昊沒共工氏名康回者髦身朱髮任智

作亂振滔洪水以禍天下女媧役其神力城共

工氏而誅之以治天下都於中皇之山是為女

皇命臣隨作笙簧以通殊風娥陵制都良之窈

以一天下之音用五十絃之瑟於澤丘以郊天

侑神聽之極悲乃破為二十五絃以抑其情而

樂乃和治百姓伊耆名執生於列炎帝神農氏

三十載而歿山之石室長於姜水

又以姜為姓以火德代伏羲氏治天下故曰炎

帝都陳遷曲阜初藝五穀嘗百草始為日

中之市以火紀官神農子在帝臨魁

四十一年崩于長沙之茶鄉位八十年

帝承帝臨魁子在帝明帝承之子在帝宜一曰

帝明之子在帝承之子在帝來一曰帝克帝宜之帝襄一曰

帝來之子在位四十三年帝裏生節莖節莖生克及戲節莖克戲皆不在帝位克生子榆罔立
帝榆罔
帝裏之曾孫也居于空桑為政束急諸侯攜貳其臣蚩尤作亂帝遂居于涿鹿
有熊國君曰公孫軒轅實懋聖德諸侯歸之帝之五十五年諸侯尊軒轅為天子降封帝于路神農氏遂亡
炎帝別子曰柱有聖德佐帝播種五穀後世德之祀以為稷有子曰慶甲或云嘗嗣炎帝云
戲生器器生祝融為黃帝司徒祝融生術囂術囂生勾龍為顓頊后土能平九州辨土地之宜以教兆民後世祀之以配社

歷代國都

伏羲都陳

即今河南陳州

神農都陳徙曲阜

曲阜屬今山東兗州

府

黃帝都涿鹿

即今北直隸保安州有軒轅城

少昊都曲阜

一云

都窮桑在魯北顓頊都帝丘今大名府滑縣帝嚳都亳即今河南

堯都平陽堯始封唐後徙晉陽即帝位都平陽唐即今山西太原府清源縣有陶唐

城晉陽即今太原府舜都蒲坂即今蒲州夏都安邑

今平陽府安邑縣禹本封於夏為夏伯及舜禪都平陽之安邑按尚書五子之歌曰惟彼陶唐

有此冀方言堯舜至禹及太康皆在冀州界少康中興而復還舊都商都亳今河南

德府殷有三亳穀熟為南亳即湯都蒙為北亳即景亳湯所盟地偃師為西亳則盤庚所遷

仲丁徙囂今河南之敖倉河河亶甲徙相今河南彰德府祖乙

徙耿耿在河東古邢地又盤庚復都亳盤庚五遷復都

亳之殷地則西亳也周文王居岐徙豐岐今陝西鳳翔府豐在西安府界

武王都鎬皆關中地

今陝西西安府長安縣鎬今西安府界

成王

以鎬為宗周西都以洛陽為成周東都

今河南府洛陽

縣成王居西都而會諸侯於東都

周公相成王以豐鎬偏處

西方土貢不均乃營洛邑為東都成王即洛邑建明堂朝諸侯復還豐鎬至幽王為犬戎所殺平王東遷乃居洛邑及敬王時又遷成周今洛陽故都城是也平王徙東都

秦都關中咸陽

即今西安府咸陽縣

西楚都彭城

今徐州西

漢都關中櫟陽

今西安府咸寧縣

東漢都洛陽

今河南府洛陽

縣又於南陽府置南都

獻帝亡于許

今河南許州

三國

後漢

都益州

即今四川成都府

曹魏都鄴

今彰德府

徙洛陽

孫

吳都建康

今應天府

西晉

晉都洛陽至永嘉南遷居建康

愍帝亡于

長安

五胡

劉氏漢居平陽

即今平陽府

劉氏前

趙繼居之

石氏後趙居襄國

今順德府

李氏蜀居

成都

據廣漢

東晉都建康

慕容氏燕居遼東

大棘城

始封遼東公大棘未詳

拓跋氏遷都平城

今大名府清豐

縣

號魏王時都盛樂

張氏前燕居涼州

即漢

武威郡魏晉置涼州今置陝西行都司

符氏泰居長安

慕容氏

後燕居中山

今真定縣

慕容冲西燕居平陽

慕容

永西燕居長子

即今山西潞州

慕容德南燕居廣固

今陝

西城固縣慕容盛北居龍城今延安府北馮跋北燕繼居

之殺高雲自立為燕王號北燕秦苻丕居平陽 秦苻登居

南安漢之郡名今陝西鞏昌府是也姚氏後秦居長安 乞伏

西秦居隴右即今隴西縣呂氏後梁居姑臧即涼州秃

髮氏南凉居河西漢之郡名今屬陝西行都指揮使司段業北凉

居張掖漢之郡名今陝西行都司之甘州衛沮渠氏北凉繼居之

徙姑臧 李氏西凉居敦煌漢之郡名後改為沙州故城在肅州

衛城西入百里今屬陝西行都司徙酒泉漢之郡名今陝西行都司之肅州衛赫

連氏夏居朔方統萬朔方今寧夏衛統萬即所築城拓跋魏徙

平城

都盛樂徙平城

南朝宋都建康

南朝齊都建康

元氏魏都洛陽

南朝梁都建康元帝亡于

江陵

今湖廣荊州屬縣

後梁蕭琮亡于江陵

南朝陳

都建康

西魏徙長安

東魏自洛陽徙鄴

北齊起晉陽徙鄴

後周居長安

隋都長安

煬帝或如洛陽亡于江都

唐都長安昭宗徙

洛

五代後梁都汴

即今開封府

徙洛後亡于汴

後唐起太原入汴徙洛

後晉起太原入汴

後漢起太原入汴

後周都汴

吳氏楊居揚

州 李氏南唐居于金陵 王氏前蜀居成都

孟氏後蜀據成都 王氏閩居福州 劉氏

南漢居廣州 劉氏北漢居太原 馬氏楚居

潭州

今湘潭

高氏南平居江陵 錢氏吳越居杭

州 宋都汴陷于金 金自北方徙于燕又徙

于汴亡于蔡

燕即今順天府蔡即今汝寧府所屬

宋自汴南徙立

于杭盡于閩廣 元起于北方都于開平徙于

燕亡于應昌府

開平即今開州燕即今順天界應昌即今宛平界

附錄邵康節先生觀化詩

觀三皇

許大乾坤自我宣乾坤之外更何言初分大道
非常道纔有先天未後天作法極微難看蹟收
功最久不知年若教世上論勲業料得更無人
在前

觀五帝

進退肯將天下讓着何言語狀衰容衣裳垂處
威儀盛玉帛修時意思恭物物盡能循至理人
人自願立殊功當時何故得如此只被聲明類

日中

觀三王

一片中原萬里餘殆非孱德所宜居夏商正朔
猶能布湯武干戈未便驅澤火有名方受革水
天無應不成需請觀仁義爲心者肯作人間淺
丈夫

觀五伯

刻意尊名名愈虧人人奔命不勝疲生靈劒戟
林中活公道貨財心裏歸雖則餽羊能愛禮柰

何鳴鳳未來儀東周五百餘年內歎息惟聞一
仲尼

觀七國

當其末路尚縱橫仁義之言固不聽自謂破齊
存卽墨能勝坑趙盡長平清晨見鬼未爲恠白
日殺人奚足驚加以蘇張掉三寸扼喉其勢不
俱生

觀羸秦

轟轟七國正爭籌利害相磨未便休比至一雄

史記卷五
三
心底定其如四海血橫流三千賓客方成夢百
二山河又變秋漫說罷侯能置守趙高元不是
封侯

觀兩漢

秦破山河舊戰場豈期民復見耕桑九千來里
開封域四百餘年號帝王剝喪旣而遭莽卓經
營殊不念高光當時文物如斯盛城復何由更
有隍

觀三國

栢栢鼎峙震雷音絕唱高蹤沒處尋簫鼓四方
情未暢弓刀萬里力難任論兵碣石寧無意飲
馬黃河徒有心雖曰天時亦人事誰知慮外失
良金

觀西晉

承平未必便無憂安若忘危非善謀題品人才
憑雅謔雌黃人事用風流有刀難剖公問腹無
木可梟元海頭禍在夕陽亭一句上東門嘯浪
悠悠

觀十六國

溥天之下號寰區大禹曾經治水餘衣到弊時
多蟣虱瓜當爛後足虫蛆龍章本不資狂寇象
魏何嘗薦亂胡尼父有言堪味處當時欠一管
夷吾

觀南北朝

方其天下分南北聘使何當絕往還偏霸尚存
前典憲小康猶帶舊腥羶洛陽雅望稱崔浩江
表奇才服謝安二百四年能並轡漫將夷虜互

爲言

觀隋

始謀當日已非臧又更相承或自戕螻蟻人民
貪土地泥沙金帛悅姬姜征遼意思縻荒服泥
汙情懷厭未央三十六年都掃地不然天下未
歸唐

觀有唐

天生神武奠中央不爾羣兇未易攘貞觀若無
風凜凜開元安得氣揚揚凭高始見山河壯入

夏方知日月長三百年間能混一事雖成往道
彌光

觀五代

自從唐季墜皇綱天下生靈被擾攘社稷安危
懸卒伍朝廷輕重繫藩方深冬寒木固不脫未
旦小星猶有光五十三年更五姓始知除掃待
真王

觀北宋

紛紛五代亂離間一旦雲開復見天草木百年

新雨露車書萬里舊山川尋常巷陌猶簪紱取
次園林亦管絃人老太平春未老鶯花無害日
高眠

書

安樂窩中一部書號云皇極意何如春秋禮樂
能遺否父子君臣可廢乎浩浩羲軒開闢後魏
魏堯舜協和初炎炎湯武干戈外洵洵桓文弓
劍餘日月星辰高照耀皇王帝霸大鋪舒幾千
百主出規制數億萬年成楷模治久便憂強跋

目二會紀卷三
三
扈患深仍念惡驅除才堪命世有時有智可濟
時無世無既往盡歸閒指點未來須俟別支吾
不知造化誰爲主生得幾多奇丈夫

嘉靖戊午秋刻于玄津草堂

甲子會紀卷之五







